

Perdana Menteri Umum Usaha Memperkukuh Komuniti Perumahan Awam dan Memperluas Program K2K di Lembah Klang

Program Kita-Untuk-Kita oleh Think City akan meningkatkan daya tahan dan daya huni perumahan awam

SHAH ALAM, 8 April 2023 – Perdana Menteri YAB Dato' Seri Anwar Ibrahim hari ini telah melancarkan Program Kita-Untuk-Kita (K2K), sebuah inisiatif di bawah Belanjawan 2023, yang bertujuan untuk meningkatkan daya huni perumahan awam.

Program K2K bertujuan untuk memangkin sokongan terhadap komuniti perumahan awam dan pengurusan bangunan bagi menangani cabaran sosial, ekonomi dan fizikal melalui empat cabang kritikal, iaitu, pemerkasaan komuniti, pengurusan bersama komuniti, menambahbaik penjana pendapatan dan reformasi polisi, yang akan dimulakan di Kuala Lumpur dan diperluaskan ke Selangor.

Program pelancaran ini turut dihadiri oleh Menteri Besar Selangor, YAB Datuk Seri Amirudin Shari; Timbalan Menteri Pembangunan Kerajaan Tempatan, YB Tuan Hj Akmal Nasrullah bin Mohd Nasir; Pengerusi Jawatankuasa Tetap Perumahan & Kesejahteraan Bandar dan Pembangunan Usahawan, YB Puan Rodziah Ismail; Setiausaha Kerajaan Negeri Selangor, YB Dato' Haji Haris bin Kasim; Datuk Bandar, Majlis Bandaraya Shah Alam, YBrs Dr Nor Fuad Ahmad; dan wakil-wakil daripada agensi-agensi tempatan, yayasan, persatuan-persatuan dan komuniti PPR Hicom Kampung Baru.

Menteri Besar Selangor, YAB Dato' Seri Amirudin Shari berkata, "Saya amat teruja melihat inisiatif inisiatif yang digerakkan oleh Think City dalam membantu komuniti dalam mendepani cabaran COVID-19. Usaha-usaha ini telah berubah menjadi sesuatu yang lebih besar dan berpanjangan, dengan sokongan daripada sektor swasta dan organisasi yang bukan berasaskan keuntungan."

"Program K2K ternyata dapat menempuhi ujian masa dengan memperkasa komuniti melalui pemberdayaan ketua-ketua komuniti. Ini ialah satu contoh usaha Kerajaan Negeri Selangor yang terus komited dalam mengubah persepsi perumahan awam yang dahulunya dipandang rendah dan tidak diingini, ke arah mewujudkan persekitaran yang bukan sahaja menawarkan perumahan mampu milik yang berdaya huni kepada rakyat, tetapi juga supaya mereka dapat hidup secara bermaruah."



Pengarah Urusan Think City, Hamdan Abdul Majeed berkata, “Selaras dengan Malaysia Madani, pelancaran hari ini menekankan sebuah matlamat bersama dalam mencapai hasil yang lebih saksama dan responsif kepada keperluan dan aspirasi komuniti. Dalam kita mengusahakan inisiatif-inisiatif dalam masa yang terdekat ini, kami berharap untuk membentuk sebuah haluan yang demokratik dan berdaya tahan berasaskan kepercayaan dengan komuniti perumahan awam, jaringan dan rakan usaha sama untuk melaksanakan program-program yang komprehensif dan berkesan. Usaha-usaha ini juga selari dengan strategi syarikat induk kami, Khazanah iaitu *Advancing Malaysia*, untuk menyumbang kepada nilai sosial dan ekonomi yang memberikan impak kepada rakyat Malaysia.”

Program K2K ini akan diterajui oleh ketua komuniti dan organisasi berasaskan komuniti, disokong oleh Think City melalui kolaborasi dengan rakan usaha sama dan organisasi bukan kerajaan (NGO). Program ini juga turut diperkukuhkan oleh Jawatankuasa Antara Kerajaan yang merangkumi pemegang-pemegang taruh awam dan swasta bagi menyegerakan koordinasi dan pelaksanaan senada dengan semangat Malaysia Madani sekaligus memanfaatkan komuniti perumahan tempatan.

Noor Hayati Ismail, Setiausaha Persatuan Komuniti PPR, Perwacom Prihatin, berkongsi pengalaman terhadap cabaran kehidupan sebenar komuniti perumahan awam. Perwacom diwujudkan semasa tempoh pandemik untuk membantu komuniti menyelesaikan isu dengan segera dan mengurangkan tekanan persekitaran yang tinggi akibat sekatan pergerakan dan lain-lain cabaran. Momentum yang wujud telah membolehkan mereka membina perhubungan dengan komuniti dan menjalankan program berasaskan pembangunan dengan sokongan rakan organisasi lain. Mereka menekankan bahawa mereka tidak mahu menjadi sebuah komuniti yang hanya mengharapkan bantuan daripada kerajaan tetapi mengharapkan sokongan yang membolehkan mereka membina masa depan yang lebih baik di hari tua dan masa depan anak-anak mereka.

“Sebuah pendekatan yang komprehensif diperlukan dalam mengubah perumahan awam daripada jerat kemiskinan kepada sebuah tempat yang makmur. Kita perlu bersama-sama memperbaharui perumahan awam selari dengan perubahan persekitaran kehidupan urban dan aspirasi generasi muda. Perumahan awam adalah kediaman bagi anak-anak kita untuk mengimpikan kehidupan yang lebih baik dan untuk anak-anak mereka serta generasi seterusnya,” kata Noor Hayati.

Sejak sedekad yang lalu, Think City sebagai sebuah organisasi impak untuk menjadikan bandar-bandar lebih mesra rakyat, berdaya tahan dan berdaya huni, telah melaksanakan usaha menambahbaik bandar-bandar Malaysia merentasi semua komuniti urban, terutamanya komuniti rentan. Think City telah menjalankan program penyelidikan dan intervensi di perumahan awam dan komuniti tempatan di Malaysia, bermula dengan komuniti perumahan di George Town, Pulau Pinang dan sejak itu, ia telah berkembang kepada projek perumahan awam di Kuala Lumpur dan Selangor.

Think City menguruskan geran dan pinjaman serta menjalankan kajian dan intervensi awal di kawasan perumahan tersebut bersama-sama komuniti tempatan, pihak berkuasa tempatan, organisasi tempatan dan antarabangsa, institusi pendidikan serta pihak swasta. Antara inisiatif Think City yang telah dilaksanakan dengan jayanya adalah hasil kerjasama dengan rakan usaha sama seperti CIMB Foundation, Citi Foundation, Yayasan Hasanah, MARA, Teach for Malaysia, Persatuan Karyawan, Universiti Malaysia, PNSB dan World Bank, yang melibatkan penyertaan lebih daripada 80,000 orang.

Untuk maklumat lanjut mengenai Kita-Untuk-Kita, sila layari www.thinkcity.com.my/r2c.

-TAMAT-

About Think City

Think City adalah sebuah organisasi berimpak tinggi yang telah ditubuhkan pada tahun 2009. Ianya bertujuan menghasilkan pelestarian bandar yang lebih saksama demi faedah semua. Kemahiran, ilmu dan strategi Think City tertumpu kepada solusi perbandaran, alam sekitar, komuniti sosial dan ekonomi budaya. Think City ialah anak syarikat milik penuh Khazanah Nasional Berhad. Untuk maklumat lanjut, sila layari www.thinkcity.com.my.

About Kita-Untuk-Kita Programme

Kita-Untuk-Kita (K2K) ialah program yang diterajui oleh komuniti bertujuan untuk meningkatkan kehidupan masyarakat perumahan awam. Kami membangun dan memanfaatkan kepakaran kolektif dari rangkaian dan rakan usaha sama kami untuk bersama-sama melaksanakan program komprehensif dan berkesan. K2K menyokong komuniti dan pengurusan bangunan untuk menyelesaikan cabaran sosial, ekonomi dan fizikal bersama-sama melalui empat bidang kritikal: pemerksaan komuniti, pengurusan bersama, penjanaaan pendapatan dan pembaharuan dasar. Untuk maklumat lanjut, layari www.thinkcity.com.my/R2C.

Diedarkan oleh SPRG bagi pihak Think City. Untuk maklumat lanjut, sila hubungi :

Dustin Chan

dustin.chan@sprg.com.my | +60189499363

Michael Lee

michael.lee@sprg.com.my | +60162804602